

華陽陶隱居傳卷上

二
翔

華陽陶隱居傳序

翔二

薛 蘿 孺 子 賈 嵩 撰

或曰貞白先生在梁書高士傳今而為傳何
謂梁書云陶君諱弘景字通明丹陽秣陵人
也母夢兩天人手執香鑪云云齊高作相引
為諸王侍讀雖在朱門不交外物永明十年
脫朝服掛神虎門上表辭祿詔許之公卿送
之征虜亭供帳甚盛咸云江東以來未有斯
事於是歷名山尋訪仙藥每經澗谷必坐卧
其間特愛松風庭院皆植及梁武即位書問

不絕月常信數時人謂爲山中宰相大同二年卒時年八十五顏色不變屈伸如常云云今具此傳於注者蓋明其簡略也此又兼鄭曄史雋陶傳同錄於此曰梁書之傳先生猶史記之述老氏也其叙事頗刪略俾仙聖行

業不得昭著而紛綸其間韓非與老子同傳論之者多矣而梁書列先生在沈麟阮孝緒范元琰馬之間矣夫先生識洞古今事炳山世神棲寂泊精鶩玄樞定三品以黜浮僞分五域以鏡區貫著隱訣以析綱目述真誥以

旌降嘖激揚隱微之外馳騁清虛之際乃玄中之董狐道家之尼父也沉發揮墳典游泳百家窮天地星辰之文究陰陽龜筮之術至於鯨死彗出麟闕月蝕銅山崩而鐘鐸響蠶珥絲而商絃絕龍吟雲起虎嘯風生此性理

冥濛僉謂之感先生商榷其微非感非應夫然將叔向子產京房郭璞擬先生以爲博乎齊永明十年謝詹事淪自吳興聞先生棄官隱華陽乃於道中作傳謝詹事作傳云先生諱弘景丹陽人也幼標異操聰明多識五經

子史皆悉詳究善書得古今法在人間便有
乘雲御龍之志不肯婚宦以資營未立且薄
游下位為宜都王侍讀雖處朱門恒獨居一
室罕接外物晝夜尋寫研集竒奧二十餘年
稍就服食殆通幽洞微其事多祕於是業用

十一

二

漸進乃拂衣止於茅山焉觀其神儀明秀眇
眇有光形細長項耳間矯矯顯然異眾矣謝
傳訖此此傳並梁書彌為脫略吾不解謝淪
既聞先生隱山甚懷嗟賞乃忻然道中作傳
所宜詳究功行而卒然如此也陶翊乃云王

右軍作許先生傳者正如此也傳踈略不用
陶翊乃作本起錄至齊末遂已亦事多遺闕
翊先生猶子也本起錄乃粗似詳究而患文
氣太卑叙述繁雜自云今此未便爲傳且撰
行業以備遺失耳不知何緣至永元元年遂
絕也其後潘泉文復踵其作泉文先生門人
也自云陶翊本起錄訖於齊末從此已後二
十餘年並未題記謹且隨年載錄後撰傳
人自更詳述始天監元年至七年夏四月于
時先生改名氏潛訪遐嶽天監七年夏四月

先生改名南遊其事具於傳中旁無知覺於是泉文又絕筆於此嗚呼前二傳既太簡謂梁書及謝詹事所作傳門人編錄復無條貫俾君子辟世之道清真養翮之跡其幾乎磨滅歟乃於登真隱訣及真誥泰清經先生文集揣摩事迹作三卷焉

期二

三

華陽陶隱居內傳卷上

薛 薤 孺 子 賈 嵩 撰

先生諱弘景字通明丹陽秣陵人也

本起錄云宅在白楊巷

其命氏自帝堯帝堯治冀州世居平陽西漢

丞相青翟東漢司空敦皆赫然有名論董卓

燒雒陽十三世祖超始渡江是為丹陽人七

世祖濬仕吳為鎮南將軍

本起錄云即交州刺史璜之弟也

封句容侯吳滅入北永嘉之亂南遷

本起錄云世祖濬第三子也

永嘉中爲東海王越司馬領屯兵隨王出許昌因敗仍復過江爲大將軍王敦參軍敦乃啓分屬籍晚乃起爲車騎丞相參軍不就高祖毗清拔尚氣不肯仕魯祖興公爲郡功曹

本起錄云多才藝頗營產殖郡功曹察孝

廉除廣晉縣

祖隆長七尺五寸美姿表善藥術以拯救爲勞從宋武帝破姚泓有功封晉安原豐侯
本起錄云顏峻就求宅以益寺弗與因辭

官見譖削爵徙廣州後稍遷新會郡

父貞寶字國重為江東名人由南臺侍御史

作江夏孝昌相

本起錄云亦善騎射解藥術博涉子史美

風儀與蕭思話王釗劉秉友善元徽四年

翔二

四

冬銜使虜庭通鄰國之好作游歷記并詩

初先生母郝夫人

本起錄云夫人東海人諱智湛及終有異

焉

夢青龍自懷而出擊空東上

本起錄云有青龍忽從身出直東向上昇
天梁書云夢兩天人手執香鑪來至其所
已而有娠與此頗異本起錄是先生猶子
翊所作其究詳事理豈漏於史官乎

逐視之無尾明日謂人曰當生非凡男然必
無後或對曰無乃為仙乎

本起錄云既覺密語周旋必當生男兒應
出非凡也

以宋孝建三年四月三十日夜半先生誕焉
本起錄云歲丙申日甲戌此年閏五月明

旦便是夏至

詰旦母沐浴體忘微苦乃起先生始生無驚啼始坐殊警惠五六歲時酷愛學書雖戲弄羅前唯執筆硯八九歲時讀書千餘卷頗善屬文讀葛稚川神仙傳見淮南八公事

荆二

五

本起錄云鄉親鞠氏舍得葛洪神仙傳勇六一卷

夜抱卷與寢乃曰攀青雲白日其何云遠繇是耽重信悟宵然有方外之志矣神表孤邁膚色皙澤每出路人輒聚觀咸曰陶郎是玉

京中落仙乃執羽扇以自障蔽雖冬月不除
年十一作王昊博士

本起錄云昊是司徒長史釗之子

作昊對答書啓如老成人十五自南州還

本起錄云先生年十三父隨吏部尚書劉

秉之淮南十五歸都寓憇中外徐冑舍

作尋山誌

其誌云云具集中

先生既冠而不肯婚

先生澡潔去嗜慾蓋一生全不邇於聲色

也

且曰吾欲蕭條其魂也長七尺二寸踈眉長額右肩有紫誌如錢

按金闕後聖列紀青童君云此皆仙相也右股有數十黑子闌干如斗形不樂葷羶唯

進青飢飯

清虛真人傳內有方以南燭為主蓋上仙所服餌也

酷愛松聲居必手植常嫌讀書未滿萬卷乃以內書兼之於是少出州府辟召皆不起初

父與劉秉友善秉為丹陽尹其子侯少知名
酷好文學先生復與之遊出則共載食乃同
味于時宋氏失德蒼梧王遇害

宋書云廢帝昱明帝長子也既即位荒亂
酷暴以齊高帝復為射的既遇害進謚蒼

翔二

六

梧王

蕭道成立順帝仍執政荊州刺史沈攸之擁
兵不從道成入守朝廷

宋書云順帝第三子齊高既專廢立不從
者半齊高乃入守朝廷

司徒素粲據石頭謀誅道成劉秉預焉遂奔石頭以其屬隨先生與韓賁麋淡同管文檄道成勒兵攻破石頭

宋書云司徒素粲據石頭謀誅道成不果旋見覆滅本起錄云先生年二十二隨劉丹陽入石頭就素粲建事先生終始久要不遺舊故雖危疑患難不求自退也

先生乃得出侯為沙門間行

本起錄云爾夕城潰侯與第佗逃走向京為人所獲死建康獄人莫敢視先生哭其尸

躬自收殯

本起錄云先生躬自殯瘞葬杏硯舊墓

先是侯與江敷褚炫等俱為順帝四友作宋
德頌連珠七警當世稱絕至是遂亡其本先
生乃喟然歎曰人無愚智同盡百年所貴身

翔二

名遺芳寄世惜乎劉生名迹俱喪

七

本起錄云劉侯既石頭奔潰文章皆零落
先生欲為纂集竟不能得

明年道成封齊公假黃鉞天命識所歸矣先
生既常結劉氏內懷憂惕

本起錄云先生自石頭出仍欲棄世尋山
而正值宋齊之際物情未安既世結劉宗
恒懷憂惕

乃因紀真求見於新亭大相推愛俾居帳內
沈攸之平從還東府仍爲其子侍讀

本起錄云沈攸之平從還東府使爲第五
息畢第六息暘侍讀兼知公間管記事時
年二十三除巴陵王侍郎

齊高帝既登極除太尉豫章王侍郎

梁書云齊高帝作相引爲諸王侍讀誤矣

先生知爲帝之左右者排逐再除不授明年
隨安成王出鎮石頭世祖初拜振武將軍宜
都王侍讀齊世侍讀皆總知記室參軍先生
於吉凶內外賤啓疏牒莫不絕衆凡濡毫落
紙人皆楷模之

本起錄云先生於吉凶內外儀體表筆爰
及牋疏啓牒莫不絕衆數王書佐典書皆
來承受以爲准格

數王侍讀咸切齒讒忌先生處之怡怡如也
桂陽王登雙霞臺置酒召宗室侯王兼其客

先生從宜都豫焉桂陽採名頌號各令爲賦
寘十題器中先生探獲水仙大愜意

其賦云云具集中

沈約任昉讀之歎曰如清秋觀海第見澶漫
寧測其深其心伏如此尋除左衛殿中將軍

翔二

時論稱屈庾道經亟言於武帝帝曰先帝昔
親作此官裴松之從此轉負外郎吾之重也
卿那不知

本起錄云時年二十九青溪宮新成帝銳
意遊宴先生拜表獻頌于時稱絕

忽一日於石頭恍然若有所適無所覺知者
七日乃豁然自差云覩見甚異事祕不得知
本起錄云年二十九於石頭中忽得病不
知人不服藥不飲食經七日乃豁然自差
說多有所覩見從此容色疲悴言音亦蹇

宕闡緩者矣

是歲東陽孫遊嶽始授先生道家符圖雖云
相承真本而歷經摹寫意所未愜明年遊茅
山

本起錄云戊辰年始往茅山按先生本披

訪經法而拂衣長往經始於是行也

獲前真楊許興寧中手書

按真誥晉興寧三年太元真人茅君紫陽
真人周君紫微夫人九華安妃及諸真仙
並降楊君羲於茅山及許長史父子皆同

期二

傳受而楊許感降皆有文迹炳然先生於
是併獲蓋天付其人也

誠心感躍如親覩靈人乃尋三真往來書疏
知所獲者猶多亡闕更搜訪遠近於是啓假
而東謁樓惠明於大洪山遇杜京產於太平

山又尋沙門鍾義山於宛山皆卑辭膝請獲
真人手跡十餘卷遊歷二百餘日乃還都

本起錄云遊歷山水二百餘日乃還

未幾復往更求遺迹多有所得爰及東陽長
山吳興天目於潛臨海遂安諸名山無不探
歷身本輕捷登陟無艱每遇崩崖斷壁但褰
搦跳越或逢幽巖深澗便吟嘯盥滌盤桓坐
卧採掘花藥洎猿鳥吟棲尚不能去往往獨
宿麋鹿中常言曰見朱闌廣廈雖識是華樂
而初無欲往之心望高巖廣澤亦知此難立

正自恒欲往就不解所以必是緣使之然還
都由振武將軍除奉朝請先生為兒時每言
朝市非樂既長大值宋齊相授見時之未可
遂棲下位盤桓風火及是知兵災紛起乃振
衣東顧曰去矣常言大天之內復有三十六

洞天

茅傳云大天之內有地中洞天三十六所
又八海中諸神山皆亦有洞宮或方千里
五百里非三十六之例

江左伏龍山乃其第八謂之金壇華陽洞漢

有三茅君得道實居之吾其長往於此仲尼
云隱居以求其志行義以達其道吾聞其語
未見其人我今日義達無復其方請從求志
之業乃自稱華陽隱居

本起錄云絳人間書疏皆以此號代名

翔二

十

亦猶士安之玄晏稚川之抱朴是歲永明十
年也

本起錄云壬申年時年三十七

行有日矣約左右令先出都吾辭省已乃抱
朝服掛神虎門龍衣鹿巾逕出東亭因與王晏

別語及此事晏云主上性至存嚴治不許人
作高竒事脫致忤旨坐自貽咎便恐違卿山
志如何先生默思良久曰吾本爲身非爲名
若有此慮亦奚如此爲於是不詣省直表辭
而已

鄭曄史雋云先生永明十年脫朝服掛神
虎門上表辭祿詔許之此乃知其始而不
知其末也表云云具集中

表旣入詔答

詔云云具集中

將行與宜都王別彼此嗚咽各不能發一言
左右莫能仰規或謂宜都王云王相愛重如
此那聽其去王云今為天下勝事天子許其
不臣吾何敢然以裘鏡贈別給在山吏役數
人

翔二

十一

本起錄云先生昔為安成宜都二王侍讀
而通與諸王少長款狎武陵鄱陽桂陽衡
陽皆眷遇殊常每一往輒言語終日永泰
之世慎避形迹恒示踈退由是無聲累宜
都幼有識度且待受最久彌盡親密先生

亦竭誠陪贊及聞先生當辭世絕俗屢致
涕泗臨行告別云云或謂宜都那聽其去
王曰近武陵欲引其領郡五官我苦論得
免慎之三日不與武陵相見今爲天下勝
事我豈得以私情割其久仍停省餞集明
旦裘鏡九種贈別給衣書車乘出使親侍
左右五六人送至湖熟吏役數人長給在
山觸事營理書驛旬朔武陵桂陽鄱陽亦
各贈詩并諸致遺人力經紀云云

先生旣命舳東川齊公卿並送於征虜亭舉

酒揮袂皆云江東比來未有此事乃今日見
之二踈聚金歸田園亦何得稱高先生乃曰
秦皇漢祖楚羽吳策並勢橫海外雄架天維
寸氣不續則爲一丘之壤況乎二三子之徒
也高居雲嶺訪真幽府正爲此耳日暮乃別
執御者亦獻款送者相謂曰孤鴻已摩天去
吾儕戀稻梁跳躑網羅中明年齊大亂西曰
侯蕭鸞弒其君於是乎知先生預見之明也

華陽陶隱居內傳卷上



